



Equipo de Dinamización da Lingua Galega

Acta da reunión do día 10-06-2016

Orde do día:

1. Lectura e aprobación da acta da reunión anterior.
2. Avaliación do Plan Proxecta
3. Avaliación das outras actividades do EDLG.
4. Gañadores dos concursos de marcapáxinas e literario.
5. Novas do EDLG.
6. Varios.

-
1. Apróbase a acta da reunión anterior.
 2. Finalizadas as actividades do Plan Proxecta "Dúas illas", procedemos á súa avaliación conforme os puntos indicados no formulario de solicitude.
 - Como foi tratado o tema dende o punto de vista curricular:
No proxecto traballou o alumnado de 1º de DAM e o resto do centro de forma transversal (uso do galego e fomento de actividades creativas).

A idea base é que o alumnado do módulo de "Linguaxes de marcas e sistemas de xestión de información" de 1ºDAM actúe como se traballasen nunha empresa real e lles asignasen a tarefa de creación de páxinas web que mostren imaxes e información das illas de Arousa e Chrysí. Deste xeito, realizan en clase un traballo que simula un proxecto real.

Os resultados están expostos na web do instituto:

www.iessanclemente.net/plurilinguismo/equipo/plan-proxecta



- Presenza da temática no centro educativo:

A temática estivo presente por medio de carteis, presentacións e da exposición "Dúas illas". Tamén se publicaron documentos informativos.

Todo o traballo realizado está accesible dende a páxina

<https://www.iessanclemente.net/plurilinguismo/equipo/plan-proxecta/>

Tamén cabe destacar a publicación dun [artigo en La Voz de Galicia](#) sobre a exposición "Dúas illas". En xullo, a prensa local da Arousa, publicará artigos sobre a exposición na Illa formando parte do festival [O mar nunha flor](#).

- Información exposta na web creada no proxecto:

<https://www.iessanclemente.net/recurso/pek/tii/>

<https://twinspace.etwinning.net/11387>

- Repercusión da exposición realizada:

O día 18 de maio de 2016 ás 13:00 inauguramos a exposición "Dúas illas", patrocinada pola UNESCO e o Concello da Illa de Arousa, con obras de catorce docentes-artistas de diferentes lugares e máis de trinta alumnos e alumnas do CEIP de Sestelo-Baión, IES da Illa de Arousa e 1º EPAL de Ierápetra. Trátase dunha das trinta e seis [exposicións enREDadas](#) que se realizan simultaneamente en varias cidades do mundo.

A repercusión do proxecto é importante xa que hai varias entidades (Consellaría de Medio Ambiente, Consellaría de Educación, Concellos da Illa de Arousa e de Ierápetra, Ministerios de Educación español e grego, Universidade Autónoma de Madrid) xunto coa prensa, á espera do resultado.

Por todo isto, consideramos que o desenvolvemento do proxecto foi satisfactorio.

3. Avaliación de outras actividades inicialmente propostas:

- | | |
|-------------------------------------|------------|
| ○ Publicación de novas: | Realizada. |
| ○ Labores de corrección da web: | Realizada. |
| ○ Corrección das wikis: | Pendente. |
| ○ Participación no club de lectura: | Realizada. |



- Participación en actividades da Coordinadora Galega e DL do Concello de Compostela, etc.: Non surxiron.
- Novas edicións de concursos (Postais de aninovo, Marcapáxinas e Literario): Realizada.
- Novos certames de micro vídeo e micro relato: Realizada.
- Participación en eTwinning (proxectos, publicacións, proposta de tradución das interfaces): Realizada.
- Edición dunha publicación que recolla todos os materiais relacionados co EDLG no final do ano escolar: Realizada.

Máis detalles na memoria do EDLG publicada en:

www.iessanclemente.net/plurilinguismo/equipo

4. Os gañadores dos concursos publicáronse no apartado “Novas” do EDLG.

Este ano non puidemos dar un premio por centro no concurso de marcapáxinas porque superamos os mil euros de orzamento para premios.

No caso do concurso literario, houbo máis traballos do habitual para a modalidade de poesía.

5. [XXIX Concurso Literario – Fallo do xurado](#)

[Arte e xustiza social](#)

[Inauguración da exposición “Dúas illas”](#)

[VI Concurso Europeo de Marcapáxinas – Fallo do xurado](#)

[As Irmandades da Fala](#)



6. Non hai máis asuntos para tratar.

Santiago de Compostela, 10 de xuño de 2016.